

3 San Juan

Ñu Gayo wame tiriquire “Quehnoariquire ijire”, niahye

¹Yuhu bacsu mähure Gayore potota yuhu cahigure ahri püre ojoa ohoaja. ²Yuhu cahigu, Cohäcju mehna cju mähü ijigü masaja yuhu. Tiquiro mehna mähü quehnoano ijiriro sahata mähü quehnoano yuhduatire, mähü pagu dohatiro marieno mähü ijiatire Cohäcjure sini basaja mähure. ³Ihquëquina Jesu yequina yuhu cahapu wihiye mähü ijiye tiyere yahuri yuhure. “Cristo cahmeno sahata potota yere Gayo”, ni yahuri tiquina yuhure. Tiquina sa ni yahugü tuhogu tutuaro bucuei yuhu. ⁴Musa Jesu yere yuhu buherina tiquiro cahmeno sahata musa yegü tuhogu tutuaro bucueaja. ⁵Yuhu cahigu, Jesu yequinare yedohogu quehnoano yeri mähü. Sa yegu Jesu yequinare mähü ihña masieñequina pehere yedohogu quehnoa yuhduaro yeri mähü. ⁶Tiquina panopu mähü ihña masieñequina pehe Jesu yequina ohöpu cahmecoañequinare usäre ohö saha ni yahuri: “Gayo usäre quehnoano cahine”, ni yahuri panopu mähü ihña masieñequina pehe. Came mähü ya macare tiquina yuhdu cägü ihñagu tiquinare quehnoano yedohoya Cohäcju tiquiro bucueatire. ⁷Tiquina Jesu yere buhe tiniñe wahaye, Cohäcjure cahmeeñequinare yedohogü cahmedari. ⁸Sa yena tiquinare Jesu yere buhe tiniñequinare yedohouhna mari. Tiquinare sa yedohona, tiquina yero saha mari gühu Cohäcjure yedohona niaja.

Diotrefe tiquiro ñaño yerire yahuahye Ñu

⁹To cjenare Jesu yequinare ojoami. Yuhu sa ojoaepëgüta Diotrefe tiquiro basi tiquina puhtoro yero saha iji duaro, yuhure tuho duerari. ¹⁰Musa cahapu yuhu esari bato tiquiro yerire musare yahu pehoutja. Usäre ñano yahuducure tiquiro. Sa yero ni mehoñe peyariquire ijire tiquiro. Sa yero apeye ñaño gühure yere tiquiro. Jesu yequinare tiquiro yere buhe tiniñequinare tiquiro ya wuhure sajã dutierare. Sa yero apequina to cjena Jesu yequina pehe buhe tiniñequinare tiquina sajã dutigü ihñano tiquiro pehe “Buhe tiniñequinare sajã dutieracähña musa ye wuhusepüre”, ni yahusäre tiquinare. “Musa ye wuhusepu buhe tiniñequinare musa sajã dutiri buhiri mari Jesu yequina mari ya wuhupüre mari cahmecoari wuhupüre sajãedacähña musa pehe”, nine Diotrefe to cjenare Jesu yequinare.

¹¹Yũhũ cahĩgũ, ñañequinare ihña cũedacãhña. Quehnoano yeyequina pehere ihña cũña. Quehnoañene yeyequina Cohãcjũ yequina ijire. Ñañene yeyequina Cohãcjũre masiedare.

Demetrio quehnoañene tiquiro yerire yahuahye Ñũ

¹²Ijipihtiequina quehnoano yahuducuri Demetriore. Sa ye tiquiro yerire ihñañe quehnoano tiquiro yeriquiro ijigũ masine masa. Usã gãhũ tiquirore sata ni yahujaja. Sa yena usã yahuye pehere potota ijigũ masine masa.

Yahu bato tiahye Ñũ

¹³Mũhũre peye yahu duami. Sa yahu duepegũta tire ojoeraja. ¹⁴Mehenogã batota mũhũre ihña duaja. Sa yena mari basi cahme yahuducunata.

¹⁵Quehnoa dutiaja mũhũre. Mari mehna cjẽna ohõ cjẽna Jesu yequina mũhũre quehnoa dutire. To cjẽna mari mehna cjẽna ijipihtiequina quehnoahdo.